



UNIVERSITÄTS-
BIBLIOTHEK
PADERBORN

Universitätsbibliothek Paderborn

Rev. P. Francisci Josephi à Rodt Capuccini Anterioris Austriæ Provinciæ. Opus ...

Planctvs Ecclesiæ Et Animæ - Super Caput Primum Lamentationum
Jeremiæ Prophetæ. Allegorice, Et Moraliter Expositus, & Distributus In
Discursus LII. Concionatorios Quadragesimales ... ; Scilicet Liber Vitæ, Et
Excessvs Amoris ...

Rodt, Franz Joseph von

Campoduni, 1680

Celsissimo, Et Reverendissimo, S. R. I. Principi Domino, D. Ioanni
Christophoro Episcopo Augustano.

[urn:nbn:de:hbz:466:1-52659](https://nbn-resolving.org/urn:nbn:de:hbz:466:1-52659)

CELSISSIMO,
ET
REVERENDISSIMO,
S. R. I. PRINCIPI
DOMINO,
D. IOANNI
CHRISTOPHORO
EPISCOPO
AUGUSTANO.

Domino meo Clementissimo.



MUSICA in luctu (uti Siracides Eccl. 22. v. 6. asserit) importuna narratio ; quamvis enim (eodem teste) Eccl. 40. v. 20. vinum & musica letificent cor hominis , à turbidis scilicet tristitiæ nubibus serenatum , notat tamen bene Lyranus , quòd Lyranus in Eccl. c. 22. Melodia non est conveniens lugentibus , quia non sunt dispositi ad gaudendum. Lugentibus enim leves musicorum toni , & saltatorij fidium moduli , graves sunt & molesti,

† 3

molesti,

EPISTOLA

molesti, luctumque in corde conglobatum, per antiperistasin adaugent.

Importuna, CELSISSIME, ET REVERENDISSIME PRINCEPS, narratio mihi videretur, si musicam, si leves ludicrae scenae jocos, aut dissolutum *artis*

Hieron.
Epist. 34.
ad Iulianum.
Isa. 5. v. 1.

Rhetoricam leporem (ut verbis S. Hieronymi utar) intonarem, dum undiq; , in calamitosis hisce temporibus, non jucundum *Canticum Patruelis nostri*, Christi, Vineam (Ecclesiam) suam in loco uberi plantantis inauditur, sed universalis potius

Ioël. 1. v. 11.

Planctus Agricoliarum & Vinitorum: *Confusi sunt Agricola, ululaverunt Vinitores, super frumento, vino, & hordeo, quia periit messis agri; Vineam confusa est.* Hinc non jam resonant jucundae Pasto-

Jerem. 25. v. 36.

rum, in Dei Ecclesia, eclogae, sed *vox clamoris Pastorum, & ululatus Optimatum gregis, quia vastavit Dominus pascua eorum, & conticuerunt arva pacis, à facie irae furoris Domini.* Et quidem quò majores Dioceseos vineae, eò ampliora haresum, & zizaniorum theatra, & quò latiora pascua, eò functiora cruentis bellis afflictarum ovium spectacula.

Quare lugentibus super Vineam, Ecclesiam, suam Vinitoribus, & plangentibus super gregem suum Pastorum Principibus, nunquid ergo vinitorum

DEDICATORIA.

torum cooperatores minimi, & pastorum pedisequi
quos infimus, importunam, in luctu, narrationem,
musicam intonabo? Absit: quin imò illud mihi
Ezechielis inculcari videtur: *Et tu assume* Ezech. 19
v. 1.
planctum, super Principes Israel, modernus enim,
& lamentabilis Ecclesiae status, *Planctus est, &* v. 14.
erit in planctum.

Ut igitur Tuo, REVERENDISSIME ET CEL-
SISISME PRINCEPS, qui amplissimae Vineae Au-
gustanae Praesul, ac Vinitorum Primas es, planctui
me conformarem, PLANCTUM ECCLESIAE, ex primo
Threnorum capite per Jeremiam Prophetam, in al-
legorico sensu descriptum exorsus sum; utque tibi,
(CELSISISME PRINCEPS) Pastorum Principi
condolerem, ovium lachrymabiliter balantium
(animarum dico) planctum, in eodem capite
moraliter à praefato Propheta adumbratum, ex-
ponere coepi. *Et vocabit Dominus in die illa ad* Is. 22. v. 12.
fletum, & planctum.

Siquidem autem eruditissimus Rabanus, verbi
Dei praecones, non compunctioni, sed applausui
populi intentos graviter inculpat, *cum* (inquit
ille) *Ecclesiae panis, non sit panis ridentium, sed* Rabani
citat: 2
Com: Ec-
clesiast. 17
flentium, maximè tamen hoc in funestis tempo-
rum nostrorum conjuncturis est attendendum,

††

ubi

EPIST. DEDICAT.

ubi nulla ridendi, sed flendi tantum tempora apparent. Quidni igitur & ego cum plangente Ecclesia, lamentante Propheta, ac gementibus Pastoribus, ac Vinitoribus in planctum erumpam?

Jerem. 9.
v. 10.

Assumam fletum, & lamentum.

Hebr. 13.
v. 20.

Hunc ergo meum de ECCLESIA in allegorico, & de ANIMA in morali sensu erumpentem PLANCTUM, TIBI REVERENDISSIME, ET CELSISSIME PRINCEPS, in genua provolutus, humillimè offero, ac dedico, me, meamque pauperculam Religionem, suppliciter commendans. *Deus autem pacis, qui eduxit de mortuis Pastorem magnum ovium, in sanguine testamenti aeterni, ipse absterget omnem lachrymam, & mors ultra non erit, neque luctus, neque clamor, neque dolor erit ultra, usquedum evanescente allegorix umbra, & superatis militantis (aut pene patientis dixerim) Ecclesiae ærumnis, & planctibus, anagogicis elevationibus ad triumphantis Ecclesiae tripudiantem musicam & gaudium, proscripito omni luctu, & absterfis lachrymis, transeamus. Interea longævam exoptans, ex infimo cordis affectu, prosperitatem, ac vitam, maneo*

Apoc. 21.
v. 4.

Reverendissime & Illustri Celsitudinis Tue

Servus humillimus & infimus

F. Franc. Joseph Capuc. ind.